

बच्चा के काणे बाइबल
परस्तुति

पहलो
जी उठबा नो दन
(पहलो ईस्टर)



लिखबा हालो: Edward Hughes

व्याख्या करबा हालो: Janie Forest

रूपान्तर करबा हालो: Lyn Doerksen

अनुवाद करबा हालो: Bro. Warrington E. Lal

परस्तुत करबा हालो: Bible for Children
www.M1914.org

©2016 Bible for Children, Inc.

लाइसेन्स – थे या कहाणियां की फोटू कापी अर छापाई को काम करवा
सको छो पण यक शरत छे कि इके ताई बेचेगा कोइने ।



एक लुगाई भीड भडाका हाला पहाडी
इलाका मे उबी छी उकी आखियां
दरद भरियो दरदय देख
री छी उको बेटो उकी
आखियां के सामे
मर रियो छो वा
मरियम छी वा उ
ठिकाना पे उबी थी
जठी यीक्षु के ताई
सूली पे मारबा के
कारणे कीलां सूं
ठोकरिया छ।





यो कस्या होयो ? यीद्हु जे
चोखो जीवण जी रियो छे
अतरा कसटा सूं कस्या उकी
जीवण जेवडी खतम करी ?

परमात्मा ने कस्या
उके ताई सूली पे
मरबा के काणे
छोड दियो ?
काई यीद्हु न कधी
कोई खामी रखाणी ? कांई
परमात्मा सूं कोई गलती
हुयी छै ।





न परमात्मा सूं कधी भी कोई
गलती न हुयी । अर यीक्षु
न भी कधी कोई गलती
कोनी करी । पण यीक्षु या
बात जाणे छे ख म्हारे ताई
दुष्ट मनख मारेगो । जद
यीक्षु छोटो अर नानो सो छे
वठी एक बुढा ढोकरा न जिको
नाम शमौन छे उकी माई सूं
खी छी ख बुरा दन आवेगा ।



यीक्षु का मरबा से थोडा
दना पहेली येक लुगाई
यीक्षु कने आई अर उने
उंका पगा पे अतर ढोलरर
मलबा लागी । यीक्षु का
चेलान शकायत कर खी ख
इने घणा पीसा को नाक्ष कर दियो छै ।
यीक्षु न वांसू खी क इने घणो आच्छो
काम करियो छै इने अस्या म्हने म्हारी कबर मे जाबा
के कारणे करियो छै । या कतरी गजब की बात छै ।




इके पाछे यहूदो, जे यीक्षु का
बारह चेला चाटियान में सूं एक
छौ । उने मंदिर का बडा पुजारी
सूं 30 चांदी का टुकडा यीक्षु
के ताई पकडबा की बेई
ले लिया ।






यहूदियान क फसह का त्योहार
पै यीक्षु न आपणा चेलां के
साथ मलरर एक रसोई तैयार
कर खाई अर वांका लारा बैठरर
परमात्मा के बारा मे अचरज सूं
भरी बाता रखी । उने बतायो के
परमात्मा वाने प्यार करे छै ।






फेर यीद्दु ने वाके के ताई खाबा के
काणे यक रोटी अर पिबा के काणे येक
बाटकी अंगूरा को रस दियो । उने वासू
या भी खी क या रोटी म्हारा डील क
समान छै और यो अंगूरानो रस म्हारा
खून जैस्यो छै जै पापिया का गुनाह
माफ करबा कारण छै तह म्हारी याद
म अस्या ही करबा करो ।



फेर यीदु न आपणा भाइला सूं खी क उ म्हारे लेरा बसवास घात करी सके छै । और थे भाग सको छो । पतरस ने खी क म्हू कधी भी न भागूगो । यीदु न उसे खी क भाया आज क दन तडके कूकडा के बोलबा की पहेली थू तीन बखत म्हारो अन्कार करेगो ।





उ रात के पाछे यीक्षु
गैतसमनी का बाग मे
प्रार्थना करबा गयो अर उकां
चेला चपाटी भी उके लारा
लारा छा पण वह वठी जारर
नद्रा में सोग्या । यीक्षु न
प्रार्थना करर परमात्मा सू
खी क हे परमात्मा यो
प्यालो म्हारे गोडे सू दूर
खंदाओ, पण फेर भी म्हारी
मरजी न चाले पण थारी जे
मरजी हो वा पूरी होबा दे ।



उई बगत लोगा न भीड यीक्षु न पकडबा वठी
आयी जिको अगुवो यहूदो छे । यीक्षु कतई वाके
आडे न आयो पण पतरस न यक मनख को
कान तरवार सूं काट नाक्यो । यीक्षु न
हाथा हाथ उके कान लेर पाछो
जोड दियो । यीक्षु जाणे छे
के उके ताई गिरफ्तार करबो
परमात्मा की आडी सूं छै ।



यीक्षु के ताई मंन्दर के बडा पुजारी के घर लेर आया । वठी
यहूदियान का नेताओ खी क यीक्षु के ताई मार देबो चाहिजे । वठी
गोडे ही पतरस आग तापबा
उबो छो अर उबो उबो या
सैदी बाता देख रियो छो ।




तीन बगत लोगां न पतरस के ताई घेरर खी क भाया तू भी यीद्दु
के लारा छो पण पतरस तीनो बखत नट गियो जरया यीद्दु न उके

ताई पहेलिया खी छी । अठे
पतरस के ताई भी लोगां न
गालियां और सराप दिया ।




कूकडा की बांग



उई टेम कूकडा न बांग दी या
बांग पतरस के काणे परमात्मा को
बचन की तरह सू छो । यीक्षु का
बचना न याद करर पतरस बारा
पाड पाड रोबा लाग्यो ।





यहूदो भी घणो दुखी छो तूं
जाणे छो क यीक्षु न कधी भी
कोई पाप अर जुर्म न करयो ।
यहूदो 30 चांदी का टुकडा लेरर
पाछो बडा पुजारी के ताई देबा
गियो पण उ पुजारी ने पाछा
कोइने लिया ।





यहूदो वठी सू गयो
अर पीसा नीचे की
आडी फांकर उने
गला मे फांसी को
फांदो लगा लियो ।






उ पुजारी न यीशु के ताई पलातुस
जे रोमन हाकम छे उके सामे ले जार
उबो कर दियो । पिलातुस न खी म्हुं
इमे काई भी गलती न खाडूं, पण वठी
लोगानी भीड बल्लाबा
लाग्यी इने सूली प
चढाओ, सूली प
चढाओ ।




अखिरकार पलातुस न सजा सुणा दी क यीक्षु
के ताई सूली प लटका दियो जावे । पुलिस
वाला ने उके घूसा मारिया उके मूडां प
थूंकियो उकी पीठ प कोडा बरसाया । वाने
लांबा लाबां कांटा को ताज बणारर उका माथा
म पहरायो दियो । फेर वाने उके ताई मारबा
खातर सूली प चढारर कीला सू ठोक दियो ।



यीक्षु के ताई पतो छो क उको मरबो अस्यान ही होवेगो । उ या भी जाणे छो क उकी या मौत पापी मनखियां का पापा की छमा अर जे उके उपरे बसवास राखे छे वाके खातर छै । यीक्षु की दोई

आडी दो चोटान के ताई भी फांसी प लटका राखिया छ। वांमे सूं एक चोटो यीक्षु पर बसवास कर स्वर्गलोक में चली गयो पण दुसरो कोनी जा सक्यो ।



घणा टेम ताई कष्ट पाबा के पाछे
यीक्षु न खी "पूरो होग्यो" अर या
कहता ही उका प्राण परखेरु उड
ग्या । उको काम पूरो हो गियो
छो । उका भाईलान ने
उके ताई लेजार आपणी
खुद की कबर में
गाड दियो ।




रोमन सिपाहियां न उ कबर
पे आपणी मोहर ठोक दी
अर वठी बैठर उ कबर की
रख्वाली करबा लाग्या ।
वठी कोई भी मनख
बाहर भीतर आवो
जावो न करी
सके छे ।



पण या कथाणी अठे ही खतम हो
जाती तो कतरा दुखारी बात छी ।
पण परमात्मा ने वठे एक
अचरज को काम करियो ।
यीक्षु मरया में न
रह सक्यो ।



सात दना के पहला दन भाग फाटिया
यीक्षु का चेला न देख्यो क जे
बडो भाटो कबर का मुडां पे
मेल राखियो छे अठी वठी
लुडकियो ग्यो छे । फेर
वाने मयी जारर झाक्यो
तो वठी यीक्षु
कोइने छे ।



एक लुगाई जे वठी उबी छी अर कबर के
गोडे रो री छी उने यीक्षु दरवाई दियो
या देखर वा खुद्दी के मारे वठी सूं
भागी अर जारर दुसरा चेला के
ताई कहबा लागी की यीक्षु जिन्दो
हो गयो छै यीक्षु मरयान म सू
पाछो आग्यो ।



फटाफट यीक्षु आपणा चेलान क गोडे पुग्या अर आपणी हथेली के बीचा मे जे कीलां ठोकबा का घाव छा वाने बाताया । या बात सांची छे यीक्षु पाछो जीवतो होग्यो छे । उने पतरस के ताई छमा करियो अर अस्या ही दुसरा चेला के ताई भी सिखायो के थां भी अस्या ही एक दुसरा ने छमा करजो । फेर यीक्षु सरग में चल्यो ग्यो जठी सूं वू पहली बगत बडा दन के दन आयो छे ।



पहलो जी उठबा नो दन (पहलो ईस्टर)

बाइबल सँ परमात्मा की वाणी में कहाणी

मे पायो गियो

मत्ती 26–28, लूका 22–24,
यूहन्ना 13–21

“जे आपणा जीवन में उजालो करे छे ।”

भजन 119:130



स्वतम



बाईबल की या कहाणी आपणे तांइ बतरावे छै क
परमात्मा जिने आपणे तांइ बणायो, वू चावे छै क आपण उके तांइ जाणा ।

परमात्मा जाणे छै क जे जे गुनाह अर गलत काम आपण करां छा उने वू
पाप माने छै अर पापा री सजा मौत छै । परमात्मा आपण सू अतरो प्रेम करे छै कि
उने आपणो एकलो बेटो यीक्षु मसीह न इ दनियां में खंदायो क उ सूली पर चढर
आपणा पापा री सजा भुगते । यीक्षु मरबा बाद पाछो जीवतो होय ग्यो अर सरग में
अपणा घर माई जार बैठ ग्यो । जद थे यीक्षु परभू पै बसवास करो अर आपणा पापा
री छमा उसे मांगो त वू थांकी अरज सूणी न थांके मायने रहवेगो अर
थे भी उके लारां सदा बणियां रहोगा ।

यदि थांने या बसवास छै क या बाता सैदी सांची छै तो परमात्मा सू या बात रखे :
प्यारा यीक्षु मने बसवास छै क थे ही परमात्मा छो अर मनख बणी ने इ धरती
माइने अवतार लेई न पधारिया, थाने म्हारा पापा रा खातर आपणी मौत री सजा
भुगती अर थे पाछे जिन्दा होई ग्या अब मूं थांसू अरज करू छू क थे म्हारी जीवण
जेवडी मई आर म्हारा पापा न छमा करो ताकि म्हने नवो जीवण मल सके अर मूं
हमेसा हमेसा थांके लारा लारा चाल संकू । परभू यीक्षु म्हारी मदद करो क म्हूं थारी
सैदी आज्ञा न मान सकूं अर थारी संतान बणी न थारे करणे जी सकूं । आमीन

बाईबल पढो अर रोजाना परमात्मा सूं बातां करो । यूहना 3:16

